

詩

板了

集卷之四

徂徠物先生護園遺藁卷之四

東都

物茂卿著

界道濟輯

詩部

五

七言律詩十七首

△早春眺望

幽丘黃鳥此携壺  
晴靄丹梯瞰大途  
無數樓臺遙似  
畫誰家車馬俯堪呼  
三山海靜春雲細  
一嶽天橫白雪孤  
形勝東都元氣象  
和烟昨日滿城隅

△偶作



△凱あい通  
二字下

長安無處不風塵，況復新年車馬頻。  
自卧蕭條三徑宅，相看意氣五陵春。  
寧無鮑叔能知我，卽有元規欲汚人。  
千載誰憐孺子唱，濯纓濯足滄浪濱。

△歸雁得高字

夜雨凭樓把濁醪，離聲忽駭北鴻翱。  
梁園草綠池應滿，代嶺雪寒關自高。  
青春有花悲汝別，白雲無路爲誰勞。  
最知清怨客中切，琴到瀟湘帶淚操。

△春日草堂小集值雨新霽分韻南字

相携諸子此聯驂，席上翩然詞賦酣。  
共道人間無秀句，便知吾黨有雄譚。  
映盃落日浮雲暗，凭檻春城宿

雨含。忽指芙蓉暗雪色，晚來歷歷似終南。

△時適峽歸再賦一篇

峽行歸自踏晴嵐，談勝新停才子驂。  
雨過甘棠爭淚落，雲生大嶽共杯銜。  
時看春鳥來窺席，猶想夜猿垂照潭。  
爲發携將囊裡色，牛門紫氣隱西南。

△奉和大潮禪師見訪

衡門樹影動衣襟，開士何來忽此尋。  
真賞遙從方外得，冥搜偏向定中深。  
玄珠映戶窺無色，白壁投人叩有音。  
欲使名山相應和，爲君且戛少文琴。

△陌上桑

秦川少婦字羅敷，翠黛紅顏天下無。但爲百年甘寂寞，不知五馬立踟蹰。春風窈窕桑中出，落日招搖陌上趨。相值何人能直去，世間不但使君愚。

△賦鶴有遐年賀某藩醫官六十

淮鷄雲裏皆嘗藥，臯鶴城中殊得僊。稅駕維山終激昂，乘軒衛國且踟躕。頂留一粒丹如火，身著千年衣是玄。閬苑飛來應息翮，世間甲子已周天。

△次韻服生吟詩悲早春

忍看長裾照歲華，陽春忽唱淚痕加。寧堪誰識曲中語，縱是能歸夢裏家。北鴈音書還斷絕，東風草木欲

萌芽。主恩自滯朱門客，隨例椒盤猶頌花。

△春日草堂小集有懷次公分韻佳字

春城結轡訪荆柴，談歇偏憐落日佳。映酒梅花窺席上，懷人鴻雁渺天涯。誰歌白雪難成和，吾黨朱絃少所諧。最是西方傾國色，長門賦就轉相猜。

△次韻子和見寄

銜盃落日且徐傾，海內文章無弟兄。濁酒鶯前唯愛爾，高山絃裏豈求名。青春鬱鬱千秋意，白鴈寥寥一字情。忽誦君詩開口笑，方技漢代有黃生。

△謝雨芳洲見訪

客有乘槎北海來，壯游曾使三韓迴。携將紫氣行相映，彈罷朱絃歌自哀。千里山川誰並駕，百年天地此銜杯。看君匣裏芙蓉色，不但翩翩書記才。

△奉次大潮尊者送慧通師韻却寄

白雲偶爾出山游，還抱月明眠幾秋。風鐸響空知夢淨，雨花隨水悟生浮。祇緣詩偈有相識，竟是鉢盂無所求。聞向菰蒲深處住，蕭然一室似虛舟。

△平子和詩學大進，出示其逢兄作，不啻惻愴動人。一字一淚，迺復光彩滿室。一淚一珠矣。不勝驚喜，次韻奉贈。

聞說長卿久倦游，况因棠棣一回頭。能無富貴乖吾好，賴有人倫寫爾憂。白璧琢來光照夜，朱絃彈罷氣成秋。樽前持此堪相慰，不減連城十五酬。

△奉和豫侯西臺憶諸子作

郡齋寂寞歲將徂，君擁瑤琴坐據梧。萬木秋深窺夜月，衆峰雲裏媚明珠。意中流水憑誰和，眼底名山祇自圖。却羨東都多酒客，風流每集輒傾壺。

△又

聞說蘭臺暑始徂，西來秋色似蒼梧。朝躋葛嶺雲爲棧，夜涉天河星是珠。莫道名山難可寄，信知勝事總

堪圖何時一幅茅堂壁相憶遙如對玉壺

△次韻若霖尊者游東巖山作

東台士女紛相攜聞偈誰知須菩提不說色空非般若都忘花鳥是筌蹄華鯨隱隱諸天動春月朧朧萬象低起定憐君還獨返山櫻如畫未曾迷

△歲暮和南嶠秀才韻

歲暮無人問字旋玄亭風雨轉蕭然著書遠託名山混跡偏依負郭邊時度琴心雙鳳曲且歌酒德二豪篇爲緣玩世多違世伏枕難逢同病憐

△鄉耆萬菴上人見寄一律韻險不可和也頃

伯錫袖其他作相示因次韻奉酬師蓋住東

禪精舍云 三首

玄刹嶙峋映岸開潮音日夜許誰陪山如鳳翼抱空出珠自龍藏捧月來成果菩提應有樹散花天女豈無臺憶曾一走湘中道海上金題首重回

愧從慧業僅知君貝葉曇花本絕群豈可暗投疑白壁忽然持贈似雲雲彌天色卽空中現徧界音還定裡聞總爲詩家同悟理貪看動輒到斜曛

定起知君獨上樓海天縹渺旋生愁萬波卷月懸珠網千岫歸雲藏壑舟秋着仙楓停晚照夜浸漁火點

漫

春

烟流穩聞人境俱清絕探勝何時問祖猷

△次韻岡恬軒上已臥疾作

長安此日賞芳辰急笛繁絃動水濱不管桃花飛作雨那知柳絮散如塵五陵車馬紛游子三輔風流映麗人獨有東鄰岡使者堪憐同病臥青春

△奉和豫侯河內見寄

凡國封疆近帝鄉風流誰似使君狂泛槎春迴天河棹卧客夜歌明月章只恨接羅無醕酏何知露冕有輝光猶聞立馬仙梯上目送飛鴻海雲長

△猗蘭臺小集憶舊年拙和詩中語聊成一律

翩翩曾識似平原愛客風流豈謂恩標疑高山隨玉軫歌飄白雪映金樽道尊不厭疎狂在調合還憐意氣存果爾延陵非奉使國風今日向君論

△次韻萬尊者却寄

海上青藍萬事閒支公此處沃州山玄言遙答須彌外貝葉時飄天地間笏室看雲承座起華龕窺月獻珠還謝家五報前身是昔日經臺許再攀

△次韻文安武君中秋夜坐

病夫伏枕醉三秋仰視金城華月流北斗闌干低擊柝西山突兀映登樓嫦娥夜靜清砧急鴻雁天高白

露愁同調由來無處覓祇今才子滿中州

△次韻東伯通新年作

朝看綦冠紛遠游新年氣色識皇州紫宮元象星垣  
出清洛猶疑雲漢流勝日誰家渾脫舞春寒何處鷁  
鷁裘還應洵美悲非土乘霽一登王粲樓

△送同維卿從讚侯奉使二首

使旆翩翩動素秋東方千騎漢諸侯天迴山驛多高  
會路出函關皆壯游玉節晴懸滄海日錦裘晝映帝  
王州知君驂乘元能賦洛邑風流足淹留  
羨君書記最翩翩哉五馬秋高行色開驛路氣隨簪筆

發芙蓉雪映裊鞭來裝中明月元南海賦裡雄風便  
上台倘值洛陽才子問東方新築黃金臺

△爲子錦邦相壽其太公七十其先越人蜚譽  
勝國時鳳來乃州境焉

朱邨東風吹老椿擁塔玉樹映嶙峋應分京輦甘棠  
色偏入侯邦喬木春北海家聲鵬舉後三河政績鳳  
來鄰禎祥滾滾知無盡有子今稱令尹新

△藤豫侯見枉草堂

白馬銀鞍金錯刀使君騶從塞江臯偶因載酒來玄  
閣遂使垂蘿映彩毫酌水貯尊人比淡看山倚檻興

爭高況今吾黨多狂簡點瑟由琴次第操

△猗蘭臺集分韻金字

朱邨賓筵夏日陰雄風六月此披襟華堂縹渺歌先響  
絲筆聯翩盃自深宋玉偏知憐白雪郭生未必爲黃金  
總緣文事堪相狎憑醉還高傲世心

△西臺宴集七子皆在得山字

朱邨斜連閭闔間隱垣花木望西山五驄朝罷誇優渥  
七子座闌娛燕閒清夜金尊窺白髮春天絲筆映紅顏  
最羞衰邁忝虛左詩到鄴中難可刪

△西臺侯宴集

歇芙蓉峰霽白雲多吹笙幾訪鳳來寺置酒誰聽魚  
麗歌聞說登臨名蹟徧嵩山少室定如何

△猗蘭侯宴

君侯封邑接天河總怪高筵爽氣多未動神州千里  
駕已看才子七星羅楚風雄起吹深醉郢雪涼飄入  
和歌不妨興酣俄側弁小山桂樹影婆娑

弄

△子微越中寄示其游草誦之北陸瀚海白嶽  
之勝恍然與之偕游也卷中有贈雨伯陽詩  
而伯陽偶奉使來東竣事將還因次其韻却  
寄子微併簡伯陽

名山行色照詩筒奕奕何來指掌中知採南音悲塞  
北遙飛朔思滿關東十年唯夢隨陽鳥百歲縱生齊  
夏虫安得西州雨文學片帆載我駕長風

△倚蘭膝侯將戍洛陽城臨發置酒分十二體

分韻

千秋黯淡幾低回寧識西園會忽開君自陳思鄴下  
後人皆宋玉郢中才高山流水多成趣清吹繁絃不  
輟杯儻問漁陽撾鼓意補生只合短衣催

△送青蘭鈴子北歸二首

走馬清晨來問奇出門便道倦游時忍聽十月砧聲  
亂坐看千山楓色衰狐兔草枯鷹下早風霜酒熟獵  
歸遲應從黑羽城邊路朗誦長楊奏賦辭

繁霜十月滿征裘之子于歸下野州北指鬢山迎馬  
出西來孺水流便知家苑團圞日不似都亭桂  
王秋美酒興酣風雪裏能思曾上李膺舟

△次韻子錦邦相新秋登樓作

宛轉銀河低檻流，綵毫凌霽共誰游。  
秋生北海樽開夜，月滿武昌人在樓。  
急管繁絃偏勸醉，碧天澄水總成愁。  
知君不淺登高興，作賦深窺此際幽。

△奉和卓上人中秋見憶韻

幾從蕭寺問風流，仙梵寥寥況此秋。  
月出上方遙下界，人言西竺在南州。  
青山偃蹇浮名絆，白髮蹉跎微祿羞。  
慧業空餘支許癖，思君時復一登樓。

△送爽鳩子方之三河

憶君奉使向三河，路入函關滄海波。  
杜若水寒芳草

使君新領羽林兵，千騎東方按隊行。  
路轉函關龍虎節，雲低洛邑帝王城。  
封疆爲接天河近，旌旆還依北斗平。  
自是明時無武事，風流偏惹好文名。

△舊僚一漚老人爲其妻姊乞壽詩道年八十  
雙鐐爲阿監某藩邸

欲問蟠桃春幾花，卽今阿母在侯家。  
秋波弱水依顏色，月魄崑丘借鬢華。  
宮裡三千紛共勸，人間八十戲相跨。  
仙璫鳳管行天酒，是日爲歡豈有涯。

△代人贈韓客

羨爾翩翩書記哉，壯游遙徧使查來。  
千秋蹈海還雄

志萬里抽毫自大才蓬島南雲流染翰梵宮西日映  
銜盃誰知縹緲乾坤外傾蓋相看便可哀

△會朝鮮諸學士代人

一首

西來滿座馬卿才綵筆光輝停晚開壯與瀛濤添意  
氣映將嶽雪鬪崔嵬今宵錦繡詩盈紙何日溜澠酒  
把盃漸覺勝筵難可繼誰家遙笛落梅哀

使星幾座麗遙天渴望當時日似年忽喜風標干氣  
象定知詞筆映雲烟南梅的皪一枝發北鴈羽儀數  
影連由來此會何容易愁看鴻臚館下川

△與諸子登寶壺山分韻蕭字

搖落江山木葉凋悲風日日更蕭蕭千家急雨來還  
散疊嶂層雲迴忽消握手客情誰鮑叔登高仙術各  
王喬老僧何事鳴鐘去莫問上方醉吹簫

△六月香尊者至自東奧寓藤豆州第賦此奉  
贈併問富春山人時東壁下世矣尊者客歲  
惠金叵羅而所借墨刻未至因及此

北溟有鳥翼垂天亦月圖南此欲旋知已一鳴驚大  
國贈將三雅憶前年羊裘著敝星猶客柯笛吹殘人  
忽僊最是岫嶠神禹篆至今想像竟茫然

△頃者得韓館唱酬諸作讀之獨怪秋府記室

上方句一平  
故弄巧吟  
以例云

舞

△翠陰田君風藻燁發迥出時輩吾黨之外迺  
所罕觀令人不覺竦然起敬愈知世間自有  
不待文王而興者焉因次韻二首使同太致  
之按劍之叱其謂之何

秋府城樓瀚海流羽山邊徼控諸侯浮雲北出毛人  
島落日西窺越女舟歷歷孰非廉李略翩翩爾是阮  
徐儔近聞逢著三韓使倘問當年乾滿洲  
君是西京揚馬流優游猶自仕諸侯奉觴夜醉秋城  
酒授簡春浮北海舟豈道文章非世瑞祇應寂寞似  
吾儔還嗤八月乘槎客不識鳳麟何處洲

△村君榮擢後罕見著述是日賦海棠見示次  
其韻

列國大夫紛簿領自言賦咏近難成三春芳宴開朱  
邸一樹繁華接鳳城因擲牙籌隨戲蝶忽援絲筆答  
流鶯莫嗟藻思非當日屈宋何如管晏名

△遊蓮光精舍火後土木甫成此日偶同諸君  
值雪

隔歲笙歌復此開纔過長者布金回舊遊到處留禪  
石新築憑誰辨劫灰突兀樓臺從地出繽紛雨雪映  
空來休誇說法天花墜恰是人人和郢才

△次韻君微見寄因以為贈

爾隨五馬入朝年，到處攜來秀句傳。  
總說名山爭綵筆，寧知流水映朱絃。  
游梁今已長卿病，觀海從前枚叔賢。  
倘過廣陵能賦贈，縱無起色便相憐。

△雨集分韻迴字

諸子紛紛與雨來，草堂氣色此時開。  
傳籌嚼肉醉寧

死擊劒吹笳歌莫哀，春樹遙連滄海島。  
浮雲忽失赤城臺，銜盃四顧猖狂主。  
今日何人敢道迴。

△尾藩大夫鈴公宅得霜字

吹臺西望接崇墻，上國大夫看寵光。  
退食委蛇娛暇日，飛觴宛轉壓寒霜。  
賦成嘉樹楓相映，醉弄瑤簫笛更揚。  
不妨吾憑蓋公座，熟知齊相似平陽。

△恭賦掛蘭二首應東叡王臺教

梁苑樓臺勝事偏，朱繩畫棟絙蘭懸。  
異香裛露梅檀奪，輕態弄風鸞鳳翩。  
世上徒憐燕姑夢，人間浪賞楚臣篇。  
誰知別有仙家品，烟灑雲培在半天。

除

君王誠意感金仙，靈卉遙來切利天。  
幽類湘蘭花媚露，秀欺楚蕙葉凌烟。  
懸空宜紉羽衣佩，離地疑承跣座蓮。  
總爲世間人罕覩，枉勞授簡不成篇。

七言排律二首

△春臺望

春風吹袂此銜盃，俯瞰春城萬井開。  
裘馬紛紛民庶

矣，鶯花往往氣佳哉。  
王門侯宅參差出，複道層垣窈窕迴。  
總羨仙輦多雨露，爭看鵝尾徧樓臺。  
天低渤海波光合，雲霽芙蓉雪色來。  
爲值東都貽湯日，登高獨愧大夫才。

△下館藩臺示及高什從駕東轅山謁憲廟有感謹依嚴韻奉和

濟濟前朝政事堂，咸言稷契在巖廊。  
夜陪樂府鈞天近，春坐經筵午漏長。  
符竹幾人能虎拜，羽林多士惟鷹揚。  
縱勞禹貢疏壤黑，猶羨周官佩水蒼。  
孰識丹心遘鼎革，空懸白日對嵩丘。  
三年過密忽如鶩，萬里

蓬萊不可航自昔扶輿思爲策于今扈駕恥鸛行忽  
揮一掬玫瑰淚珊瑚索隨風皎似霜

五言絕句二十九首

△浣紗女

白足苧蘿女千年尚姓施襦裙不甯脫爭覩浣紗時

△新嫁娘

小姑是阿姐大姑是阿娘但愁未嫁日不慣喚吾郎

△潛齋席上同賦長安道分韻情字

夾路秦聲起漸知近帝城往還多遠客日暮若爲情

△同前無字

花明十二衢春雨近還無白馬誰家子揮鞭問酒壚

△姬人怨服散

夫壻好神仙每言共上天假饒天可上能得嫦娥憐

△潛齋席上同賦浣紗女分韻荷字

蘭棹簇綺羅笙笛出菱荷何似浣紗女低聲獨自歌

△俠客

飯罷溧陽媪前途日欲斜茫茫城市裡莫有魯朱家

△艸堂前桃李盛開與卓上人吉生同賦得源字

春雨武陵郭小桃深映尊縱非避秦地對爾似僊源

△成慶上人頭管

劉琨吹簫粟夜感胡人心縱然日本竹豈乏漢家音

△烏夜啼

石頭城上烏夜夜合雙栖若爲將九子來向妾家啼

△長安道二首

甘泉罷夜獵馳道接都亭回首南山色朔風酒始醒  
春日狹斜路紫裘白鼻騮直馳行馬處知是五侯家

△題東坡儋州圖

不描玉堂日爭傳南海時想應王呂輩滔滔滿天涯  
△東壁惠膽瓶上有詩次韻謝之

補入

直置牀頭好何須更插花若逢人借問但道出君家

△題畫三首

弱竹出橫枝懸蘿迢迢垂一禽來集上誰復能危之  
比以有聲畫平生厭晚唐雖然蜺蛤味可薦大官腸  
馬首玉芙蓉峽游日日從除却十年夢何思復一逢

△畫竹

風竹自蕭疎祇應對讀書偶然持挂壁將謂子猷居  
△梅花落

顏色年年改梅花歲歲新  
纔憐同白髮已愧異青春  
△題畫牛

野曠無人覓誰家六七牛  
因疑藏此者未免繡犧愁  
△子帥家畫梅贊

染墨作梅花還如月裡斜  
縱無吟咏日不妨詩人家  
△畫竹

誰描湘中種依倚帝子姿  
縱教半面識猶勝未曾知  
△賦夜渡湘江分韻川字豫侯席上

逐臣南更苦寧耐篝燈眠  
淚痕看楚竹恰是到湘川  
△小集得雲字

青山招不至一髮夕陽分  
呼酒遙相照盃中生白雲

△題畫牡丹

沈香亭上客不愛世間春  
一冠名花色遂憐傾國人  
△賦隴頭水分流字

嗚咽隴頭水東西各自流  
人生都有願誰識我心憂  
百川紛綺錯尾閭吸無休  
如何一度隴有水皆西流

△尾州人壽詩

星土跨箕尾州人壽域開  
當筵應自愛家住古蓬萊  
△詠中郎橋贈源京國

杜若橋邊水王孫杳未歸  
縱憐春草色誰爲染春衣

除

壬子年  
補遺  
八

沒

自

清  
江  
集  
卷  
八  
下

蜀  
山  
志  
卷  
八  
下

冊  
き  
ふ  
無  
謂  
所  
満  
ま  
入  
り



清  
江  
本